

PIEREWIETJE Y FLASH A PRESENTA UN FABULOSO SHOW "FIESTA FINAL 20 AÑA..

Fotos y Texto: Jan Poets.

DEN AMBIENTE



** Durante e fin di siman pasa e popularisimo grupo infantil/juvenil, "PIEREWIETJE Y FLASH" a presenta nan tradicional show di fin di aña cual a resulta den un exito rotundo. E show cu a hiba e titulo "FIESTA FINAL 20 AÑA", a pone tur hende den Cas di Cultura goza sin fin. Bunita di por a mira un Cas di Cultura bon bishita y den cada presentacion e publico tabata resona nan aplauso.

E aña aki e tremendo grupo aki a cumpli 20 aña di existencia, pa cual den luna di juni ultimo nan a sa di celebra esaki conhuntamente cu e pueblo di Aruba den un fabuloso show di kita sombre.

E celebracion aki a continua

durante fin di siman pasa na unda "Pierewietje y Flash" a finaliza esaki diadomingo ultimo den un broche di oro. Sinceramente e muchanan di Pierewietje y Flash a percura pa e publico por a pasa un diadomingo atardi hopi divertido y mester duna elogio na e maestro di ceremonia Ruben Garcia, kende den su forma chistoso a dorna e show aki den un toke hopi alegre, cual tambe a hunga un rol importante pa e publico por a disfruta un mundo di e tremendo show di Pierewietje y Flash.

Un pabien grandi ta bay pa Marta Figueroa y tur e talentoso artistanan di Pierewietje y Flash pa e tremendo show...

